

Communicaziun a las medias dals 6 d'avrigl 2022

10 onns Project en favur dal guaud da muntogna: La BCG porscha 60 jobs da stad per giuvenils

La collavuraziun tranter la Banca Chantunala Grischuna (BCG) ed il Project en favur dal guaud da muntogna festivescha in anniversari radund. Per la 10avla giada porschan la fundaziun cun il medem num e la BCG a 60 giuvenils tranter 15 e 19 onns in job da stad en il guaud da muntogna indigen. Persunas interessadas pon s'annunziar fin ils 24 d'avrigl 2022.

Ils quatter engaschaments da mintgamai in'emna il fanadur ed avust han lieu quest onn a Cuira, Küblis, Bravuogn e Glion. Sut la direcziun da spezialists da selvicultura prendan ils giuvenils per mauns differentas lavurs. Els construeschan sendas e saivs da protecziun cunter la selvashina, tgiran il guaud giuven e las surfatschas natirals protegidas e fan bleras autras lavurs nizzaivlas. Uschia vegnan las participantas ed ils participants en contact direct cun il guaud da muntogna e gidan a mantegnair sia funcziun protectiva. Per lur engaschi survegnan ils 60 giuvenils grischuns ina paga da 500 francs.

Las emnas da project cuminaivlas da la BCG e dal Project en favur dal guaud da muntogna, ina fundaziun d'utilitad publica cun sedia a Trin, vegnan organisadas il 2022 per la 10avla giada. Cun questa cooperaziun presta la BCG ina contribuziun preziusa en favur dal guaud da protecziun grischun e porscha a medem temp jobs da stad raschunaivels e pajads.

Giuvenils da 15 fin 19 onns che vulan s'engaschar per la natira e ch'èn motivads e disads da lavurar en il liber pon s'annunziar fin ils 24 d'avrigl 2022 sin gkb.ch/sommerjobs.

Contact:

Thomas Müller, thom.mueller@gkb.ch, telefon +41 81 256 83 11

Banca Chantunala Grischuna, Medias & Investor Relations, chascha postala, 7001 Cuira
medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i' dovra per ina banca universala moderna – per persunas privatas, l'economia ed il maun public. L'interpresa cun sedia principala a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patrunas en il chantun. Sia attaschadad al Grischun exprima ella en differentas modas. Ultra da sias activitads economicas s'engascha ella cun ses sponsoradis, ses fond da contribuziuns e sias purschidas per lavur voluntara.